



UNIVERSITÄTS-
BIBLIOTHEK
PADERBORN

Nicolai Svsii E Societate Iesv Opvcvla Litteraria

Suys, Nicolas

Antverpiae, 1620

Scena I.

<urn:nbn:de:hbz:466:1-69342>

Et hanc quā administrem exponat prouinciam.
 Mox Hercle delectum noster habebit senex,
 Et copias conscribet in tergum meum:
Quid agam? quos contrā educam milites? hic est,
 Hic vnuis est, qui omnes illius prosternet copias:
 Ipsum Imperatorem petet, & cedet illico,
 Per loricam viam faciet, perq; clypeum
 Cor occupabit. victor ego mox inclytum
 Ducam triumphum. Istuc vos cernere prælium volo
 Extra iactum teli, fortunæ extra aleam.
 Et eccere senem. ut Mauortem in vultu gerit!

ACTVS TERTII

SCENA I.

PHILOXENVS senex.

DAVVS seruus.

LORARI quatuor.

LYDVS.

AIn' ita esse Dau? Dau. Aio. Philox. Certus
 es? Dauus. An cæcum me putas,
Quæ vidi non vidisse me si dicas, videris?
 Phil. Vbi nunc illum reperiam scelus: vbi hoc crucis
 cimelium?
 Faxon iam Hercle ut suo crux gaudeat cimelio,
 Nec ploret diutius sibi fieri iniuriam.
 Dau. Huc respice. Quis hic est cum collatiuo ventre.
 Phil. Hic ipfus est.
 Eia, eia, Lyde, eia, ô potator strenue!

Hoc

*Hoc nempe iusseram, ventrem vt curares sedulō,
Yt heri tui corrumperes rem & filium?*

Dau. Ergo ad Praetorem vt eamus res iam postulat,
Vbi manu mittar ob nauatam gnauiter operam.

Phil. Eamus, Hercle, ad carnificem, qui pendeas.

Dau. Eamus, Hercle: nil moror, at nisi filium
Mox perdidisse maelis, pro me salies in crucē libēs,
Et pro me pendeas Lydi-vicarius.

Phil. Constringe tute illi Artempo actutum manus.

Dau. Non renuo: stringe etiā fortius, etiā obfortius,
Etiam pedes, etiam collū. *Phil.* Dij te perdunt scelus.

Dau. Quæ te agitant intemperiæ? cur malum tibi
Vltro imprecari? si dij me perdunt,
Tu Hercle omnium mortalium es perditissimus.

Phil. Tun' me ludificas, triuenefice? agite, abducite

Ly. Intro, atque adstringite ad columnam fortiter.

Dau. Agite, abducite, tāti es quāt iest fungus putidus.
Nil sentis, mox vltro me obsecrabis miser,
Vrgebis vt solui velim, libertatem offeres,
Mulcebis Lydo genua. *Phil.* Mulcebo Hercule
Lydo tergus flagris belle, bellissimè.

Rapite sublimem in aera: pendeat mox furcifer.

Lyd. Rapite, agite, pendeā. *Phil.* Quā tu hæc fiduciā?

Lyd. Aequi & boni. *Phil.* Non pendes? *Lyd.* Cūm
lubet;

Sed priūs istas tabellas perlege. *Philox.* Ecquid gan-
niunt?

Contrā ac volo mox famulæ Vulcano seruient.

Lydus. Nosce hoc signum, ēstne id fili? *Phil.* Noui.

Lyd. Perlege.

Phil.

Phil. Ohe litteras minutas. Lyd. Qui quidem vi-
 deat parum;
 At qui satis videat grandes nimio satis.
 Phil. Iam conspicilla oculos iuuent meos. Lyd. Iuuēt.
 Pater, peccasse me scio, & peccasse pœnitet;
 Vino dedi me, ita hoc persuasit adolescentia,
 Mali sodales, pellecebræq; pessimæ.
 Pergracando, helluando absorpsi plurimum,
 Noctes diesq; Baccho feci & volupiæ.
 Nolo pater hoc mihi condones flagitium pessimum.
 Exilio mutare solum statui: tibi ne hæreat dedecus.
 Itiner iam molior, nec te intuerier animo
 Meo persuasi facinoris huius conscius.
 Vale pater, & Lydo nil imputes rogo,
 Illi auscultare nolui, illumq; abripui in nefas,
 Verbis me plurimis concastigauit acriter,
 Nihili duxi monita, nihili feci: nunc pœnitet.
 Vale pater, tuum nunquam visurus filium.
 Phil. Lyde, o Lyde, lacrymas nati eliciūt mihi litteræ.
 Lyd. Quicūq; v̄bicunq; sunt, fuere, vel posthacerūt,
 Bardi, blenni, bucones, matulæ, anteis
 Omnes longè stultitiâ, & moribus preposteris.
 Illum tu cures filium: illius ergo lacrymas.
 Phil. O Lyde, Lyde, aliter tu sapias, si pater fores.
 Lydus. Hercle ego eum pessimis perdam modis si pa-
 ter forem.
 Phil. Taceſis. Lyd. Non possum tibi morem gerere,
 qui illius
 Mores noui. Phil. Sit prauus, sit malus, sit pessimus,
 at est filius.

Lyd.

Lyd. Non ego suspensum me maelim, cùm audire
isthac cogor probra?

Tacesis, & filium eximas iam periculo:

Ego quantum argenti opū st̄ persoluam ganeas,
Iam dabo, iam deferes, iam liberes mihi filium.

Solute ellum sis. Lyd. Nolo solui. Phil. Ast ego volo.

Lyd. Ast ego magis equus malo pænas luere flagiti.

Phil. Cuius? Lyd. Tui, qui innoxium oneras tot malis.

Iubes ligari, indictā causā me duci iubes.

Phil. Quæso hoc mihi flagitium noli imputare, mi
Lyde.

Lyd. Nolo condonare nisi genua demulseris.

Philox. Mulsī: congialem tibi propinabo fideliam.
Cape hoc aurum, Lyde, i fer filio.

Lyd. Non equidē accipiā, proin tu queras qui ferat.

Nolo ego mihi credi. Phil. Cape verò, odiosum facis.

Lyd. Non equidem capiam. Phil. At quæso. Lydus.
Dico ut res se habet.

Phil. Morare. Lydus. Nolo inquam concredi mihi;
Vel da aliquem qui me seruet. Phil. Ohe odiosè facis.

Lyd. Cedo si necesse sit. Phil. Cura hoc, iam ego re-
uenero.

Lyd. Curatum est esse te senem miserrimum.

Attonsus ad cutem es ut miserrima ouicula.

Nunc ego prædam hanc commilitonibus feram.

Iam nunc accipientur mulso lautissime.

Vt ego subleui os! ut glaucomata obieci senit

ACTVS